

ხელშეკრულება №09/001
სახელმწიფო შესყიდვის შესახებ

2019 წლის 02 სექტემბერი

ქ. თბილისი

ერთის მხრივ, სსიპ – ილიას სახელმწიფო უნივერსიტეტი, ადმინისტრაციის ხელმძღვანელის მოვალეობის შემსრულებლის **ეკატერინე გაფრინდაშვილის** სახით, ადმინისტრაციის ხელმძღვანელის 2019 წლის 27 აგვისტოს №2843-02 ბრძანებით მინიჭებული უფლებამოსილების ფარგლებში (შემდგომში: „შემსყიდველი“)

მისამართი: ქ. თბილისი, ჩოლოყაშვილის გამზ. №3/5

საიდენტიფიკაციო კოდი: 204861970

საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22

მეორეს მხრივ შპს „კაპიტელი“, დირექტორის **იაკობ მიგუას** სახით (შემდგომში: „მიმწოდებელი“)

მისამართი: ქ. თბილისი, ქ. შარტავას ქ. №14

საიდენტიფიკაციო კოდი: 404974024

საბანკო რეკვიზიტები: სს „ლიბერთი ბანკი“, ბანკის კოდი: LBRTGE22, ა/ა: GE10 LB01 1311 9256 7220 00

სსიპ – ილიას სახელმწიფო უნივერსიტეტმა გ. წერეთლის ქ. №3-ში მდებარე სსიპ – ილიას სახელმწიფო უნივერსიტეტის „S“ კორპუსის სარდაფის რეაბილიტაციის სამუშაოების სახელმწიფო შესყიდვის მიზნით 2019 წლის 22 ივლისს გამოაცხადა **NAT190014555** ელექტრონული ტენდერი სადაც გამარჯვებულად მიჩნეული იქნა შპს „კაპიტელი“. „სახელმწიფო შესყიდვების შესახებ“ საქართველოს კანონის გათვალისწინებით **სსიპ – ილიას სახელმწიფო უნივერსიტეტის 2019 წლის ეკონომიკური საქმიანობიდან მიღებული შემოსავლების** ფარგლებში ვაფორმებთ ამ ხელშეკრულებას შემდეგზე:

1. ხელშეკრულების საერთო პირობები

1.1 ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1.1 **ხელშეკრულება სახელმწიფო შესყიდვის შესახებ** – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ;
- 1.1.2 **ხელშეკრულების ღირებულება** – საერთო თანხას, რაც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულებისათვის;
- 1.1.3 **შემსყიდველი** – ორგანიზაცია (დაწესებულება), რომელიც ახორციელებს შესყიდვას;
- 1.1.4 **მიმწოდებელი** – პირი, რომელიც ახორციელებს სამუშაოს ხელშეკრულების ფარგლებში;
- 1.1.5 **სამუშაო** – ხელშეკრულების მე-2 მუხლით გათვალისწინებული ხელშეკრულების საგანი;
- 1.1.6 **სატენდერო დოკუმენტაცია** – **NAT190014555** ელექტრონული ტენდერის სატენდერო დოკუმენტაცია, რომელიც შესაძლოა დანართის სახით არ დაერთოს ხელშეკრულებას, მაგრამ წარმოადგენს მის განუყოფელ ნაწილს.
- 1.1.7 **სატენდერო წინადადება** – მიმწოდებლის მიერ **NAT190014555** ელექტრონულ ტენდერში წარმოდგენილი ტექნიკური დოკუმენტაცია, რომელიც დანართის სახით შესაძლოა არ დაერთოს ამ ხელშეკრულებას, მაგრამ წარმოადგენს მის განუყოფელ ნაწილს;
- 1.1.8 **დღე, კვირა, თვე** – კალენდარული დღე, კვირა, თვე თუ წინამდებარე ხელშეკრულებით სხვა რამ არ არის გათვალისწინებული.

2. ხელშეკრულების საგანი

- 2.1 ქ. თბილისში, გ. წერეთლის ქ. №3-ში მდებარე სსიპ – ილიას სახელმწიფო უნივერსიტეტის „S“ კორპუსის სარდაფის რეაბილიტაციის სამუშაოები (**CPV: 45400000 – შენობის დასრულების სამუშაოები**).
- 2.2 ამ მუხლის 1-ლი პუნქტით გათვალისწინებული სამუშაოების შესრულების დროს დაცული უნდა იყოს შემდეგი პირობები:
 - 2.2.1 სამუშაოები უნდა შესრულდეს მოქმედი სამშენებლო ნორმების მიხედვით;
 - 2.2.2 სამუშაოები უნდა შესრულდეს ხელშეკრულების დანართში მოცემული ხარჯთაღრიცხვის (განფასების) მიხედვით;
 - 2.2.3 სამუშაოების შესრულების პროცესში მიმწოდებელმა უნდა შეასრულოს ზედამხედველობის განმახორციელებელი პირების მიერ გაცემული როგორც ზეპირი, ისე წერილობითი რეკომენდაციები;

- 2.2.4 სამუშაოების შესრულების პროცესში მიმწოდებელმა უნდა უზრუნველყოს სამშენებლო ადგილის შემოსაზღვრა და დამცავი გამაფრთხილებელი ნიშნების დაყენება, ასევე სანიტარულ-ჰიგიენური ნორმების დაცვა;
- 2.2.5 შესრულებული სამუშაოების მაღალი ხარისხის უზრუნველსაყოფად სამუშაოების პროცესში გამოყენებული ყველა მასალა და მოწყობილობა უნდა შეესაბამებოდეს ამ სფეროში აღიარებულ სტანდარტებს. საჭიროების შემთხვევაში შემსყიდველი ორგანიზაცია მოითხოვს შესაბამის შესაბამის სერტიფიკატებს მშენებლობის პროცესში გამოყენებულ მასალებსა და მოწყობილობებზე;
- 2.2.6 სამუშაოების შესრულების პროცესში გამოყენებული მასალებისა და ასევე მოწყობილობების ტიპი და ვიზუალურ-ტექნიკური მახასიათებლები (ფაქტურა, ფერი და სხვ.) უნდა შეთანხმდეს შემსყიდველთან. იმ შემთხვევაში, თუ მიმწოდებლის მიერ წარმოდგენილი მასალა, ან/და მოწყობილობა არ იქნება შესაბამისი აღიარებულ სტანდარტებთან, ან/და შემსყიდველის მოთხოვნებთან მიმწოდებელი ვალდებულია, წარმოადგინოს სხვა, შემსყიდველისთვის მისაღები მასალა, ან/და მოწყობილობა;
- 2.2.7 მიმწოდებელმა სამუშაოების წარმოების პარალელურად, საკუთარი ხარჯებით, უნდა უზრუნველყოს ტერიტორიიდან სამშენებლო ნარჩენებისა და ნაგვის მოგროვება და გატანა, ხოლო სამუშაოების დასრულებისთანავე სრულად გაათავისუფლოს სამუშაო ადგილი სხვადასხვა სამშენებლო ნარჩენებისა და მოწყობილობა-დანადგარებისგან;
- 2.2.8 მიმწოდებელი ვალდებულია მინიმუმამდე დაიყვანოს მუშაობით გამოწვეული ხმაურის, ვიბრაციის და მტვერის გავლენა;
- 2.2.9 მიმწოდებელი ვალდებულია სამუშაოების მიმდინარეობის პროცესი უზრუნველყოს შესაბამისი რესურსით (მათ შორის: ადამიანური რესურსით, მოწყობილობებით და მასალით);
- 2.2.10 მიმწოდებელი ვალდებულია აღადგინოს სამუშაოების წარმოების პროცესში მისი მიზეზით დაზიანებული ინფრასტრუქტურა.

3. მხარეთა მოვალეობები

3.1 მიმწოდებელი ვალდებულია:

- 3.1.1 უნაკლოდ და ხელშეკრულების პირობების შესაბამისად შეასრულოს ამ ხელშეკრულების მე-2 მუხლით განსაზღვრული სამუშაო;
- 3.1.2 თუკი, ამ ხელშეკრულების მე-2 მუხლით გათვალისწინებულ შესრულებულ სამუშაოებს აღმოაჩნდება რაიმე ნაკლი და არ აღმოჩნდება წინამდებარე ხელშეკრულების პირობების შესაბამისი, მიმწოდებელი ვალდებულია შემსყიდველის მოთხოვნისთანავე გამოასწოროს ეს ნაკლი;
- 3.1.3 უზრუნველყოს ხელშეკრულებით გათვალისწინებული სამუშაოების წარმოების დაიწყება ხელშეკრულების დადებიდან 3 (სამი) სამუშაო დღის განმავლობაში;
- 3.1.4 ხელშეკრულების გაფორმებიდან 5 (ხუთი) სამუშაო დღის განმავლობაში უზრუნველყოს სამუშაოების შესრულების კალენდარული გეგმა-გრაფიკის ზედამხედველებთან შეთანხმება და შემსყიდველისთვის წარდგენა. გეგმა-გრაფიკი უნდა იყოს თანხობრივი, თვეების და კვირების ჭრილში. შემსყიდველისთვის წარდგენილი გეგმა-გრაფიკით განსაზღვრული ვადები უნდა შეესაბამებოდეს ამ ხელშეკრულებით განსაზღვრულ სამუშაოს შესრულების ვადას. გეგმა-გრაფიკი დანართის სახით დაერთვება წინამდებარე ხელშეკრულებას.

3.2 მიმწოდებელი უფლებამოსილია:

- 3.2.1 მოსთხოვოს შემსყიდველს შესყიდვის ობიექტის ღირებულების ანაზღაურება ამ ხელშეკრულებით გათვალისწინებული პირობების შესაბამისად.

3.3 შემსყიდველი ვალდებულია:

- 3.3.1 განახორციელოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- 3.3.2 უზრუნველყოს შესყიდვის ობიექტის მიღება.
- 3.4 შემსყიდველი უფლებამოსილია:
- 3.4.1 მოსთხოვოს მიმწოდებელს ამ ხელშეკრულებით ნაკისრი ვალდებულებების ჯეროვანი შესრულება;
- 3.4.2 ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

4. ხელშეკრულების ღირებულება

- 4.1 ამ ხელშეკრულების მე-2 მუხლით გათვალისწინებული სამუშაოების ღირებულება შეადგენს **71 848,00** (სამოცდათერთმეტი ათას რვაას ორმოცდარვა) ლარს.

4.2 ხელშეკრულების ღირებულება მოიცავს მიმწოდებლის მიერ სამუშაოების სრულყოფილად შესრულებასთან დაკავშირებულ ყველა ხარჯს, მათ შორის საქართველოს კანონმდებლობით გათვალისწინებულ ყველა გადასახადს.

5. ანგარიშსწორება

5.1 შემსყიდველი იღებს ვალდებულებას, აუნაზღაუროს მიმწოდებელს ხელშეკრულებით განსაზღვრული შესყიდვის ობიექტის (შესრულებული სამუშაოების) ღირებულება ფაქტიურად შესრულებული სამუშაოების მიხედვით, მიღება-ჩაბარების აქტის (ფორმა №2) გაფორმებიდან და მიმწოდებლის მხრიდან საგადასახადო ანგარიშ-ფაქტურის წარმოდგენიდან 10 (ათი) სამუშაო დღის განმავლობაში. ფაქტიურად შესრულებული სამუშაოები განისაზღვრება მიმწოდებლის მიერ წარმოდგენილი შესრულებული სამუშაოების მოცულობის დამადასტურებელი დოკუმენტის (დასკვნა) საფუძველზე, რომელიც გაცემული უნდა იყოს სსიპ – ლევან სამხარაულის სასამართლო ექსპერტიზის ეროვნული ბიუროს, ან სხვა აკრედიტებული პირის მიერ.

5.2 ამ მუხლის 5.1 პუნქტით განსაზღვრული ექსპერტიზის დასკვნის წარმოდგენის ვალდებულება ეკისრება მიმწოდებელს საკუთარი ხარჯით.

5.3 იმ შემთხვევაში, თუ ფაქტიურად შესრულებული სამუშაოების ღირებულებამ არ შეადგინა ხელშეკრულებით გათვალისწინებული თანხა, დარჩენილი თანხა რჩება შემსყიდველ ორგანიზაციასთან და ის არ წარმოშობს რაიმე დამატებით ვალდებულებებს მიმწოდებლის მიმართ.

5.4 ანგარიშსწორების ვალუტა – ლარი.

5.5 გადახდის ფორმა – უნაღდო.

6. სამუშაოების შესრულების წესი და ვადები

6.1 ამ ხელშეკრულებით გათვალისწინებული სამუშაოები უნდა შესრულდეს ხელშეკრულების დადებიდან 40 (ორმოცი) კალენდარული დღის განმავლობაში.

6.2 იმ შემთხვევაში, თუ სამუშაოების დასრულების ვადა ემთხვევა უქმე, ან არასამუშაო დღეს, სამუშაოების დასრულების ვადად ითვლება მომდევნო სამუშაო დღე.

6.3 სამუშაოები უნდა შესრულდეს ხელშეკრულების დანართში მოცემული ხარჯთაღრიცხვის (განფასება) მიხედვით.

6.4 ხელშეკრულების დამდებ არც ერთ მხარეს არა აქვს უფლება შეიტანოს ხარჯთაღრიცხვებში ცვლილება მეორე მხარესთან შეთანხმების გარეშე.

7. შესყიდვის ობიექტის მიღება-ჩაბარების წესი

7.1 ამ ხელშეკრულებით გათვალისწინებული სამუშაოების დასრულების შემდეგ მიმწოდებელი ვალდებულია შეატყობინოს ამის შესახებ შემსყიდველს.

7.2 მიმწოდებლის მიერ შესრულებული სამუშაოები მიღებულად ჩაითვლება მას შემდეგ, რაც შემსყიდველის უფლებამოსილი პირები მიღება-ჩაბარების აქტზე (ფორმა №2) ხელმოწერით დაადასტურებენ მის მიღებას.

7.3 შესრულებული სამუშაოების მიღება მოხდება სამუშაოების დასრულების შემდეგ დამოუკიდებელი ექსპერტების (სსიპ – ლევან სამხარაულის სახელობის სასამართლო ექსპერტიზის ეროვნული ბიურო, ან სხვა აკრედიტებული პირი) დასკვნის საფუძველზე.

7.4 ამ მუხლით გათვალისწინებულ საბოლოო/შუალედურ მიღება-ჩაბარების აქტზე (ფორმა №2, ფორმა №3) ხელმოწერის უფლებამოსილება შემსყიდველი ორგანიზაციის მხრიდან მიენიჭოთ: მატერიალური რესურსების სამსახურის სამშენებლო-სარემონტო დეპარტამენტის უფროსს **დავით გვარამაძეს**, მატერიალური რესურსების სამსახურის სამშენებლო-სარემონტო დეპარტამენტის უფროსის მოადგილეს **თამაზ მღებრიშვილსა** და მატერიალური რესურსების სამსახურის სამშენებლო-სარემონტო დეპარტამენტის მთავარ სპეციალისტს **გიორგი დოლიძეს**.

7.5 სამუშაოების შესრულების შესახებ საბოლოო/შუალედური მიღება-ჩაბარების აქტის ხელმოწერამდე, შემსყიდველის უფლებამოსილი პირები ახდენენ შესრულებული სამუშაოების მოცულობის, ხარისხის, ასევე შემსყიდველის მოთხოვნებთან შესაბამისობის კონტროლს.

8. ხელშეკრულების მოქმედების ვადები

8.1 ეს ხელშეკრულება ძალაში შედის მხარეთა უფლებამოსილი წარმომადგენლების მხრიდან ხელმოწერის დღიდან და მოქმედებს 2019 წლის 30 დეკემბრის ჩათვლით, გარდა ამ ხელშეკრულების მე-11 მუხლისა.

8.2 ამ ხელშეკრულების მე-11 მუხლი მოქმედებს ხელშეკრულებით განსაზღვრულ სამუშაოებზე გარანტიის ვადის სრულ ამოწურვამდე.

9. ხელშეკრულების ინსპექტირება

9.1 შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

9.2 ამ მუხლის 1-ლი პუნქტით გათვალისწინებული კონტროლისა და ზედამხედველობის განხორციელება შემსყიდველი ორგანიზაციის მხრიდან ევალუა მატერიალური რესურსების სამსახურის სამშენებლო-სარემონტო დეპარტამენტის უფროსს **დავით გვარამაძეს**, მატერიალური რესურსების სამსახურის სამშენებლო-სარემონტო დეპარტამენტის უფროსის მოადგილეს **თამაზ მღებრიშვილსა** და მატერიალური რესურსების სამსახურის სამშენებლო-სარემონტო დეპარტამენტის მთავარ სპეციალისტს **გიორგი დოლიძეს**.

9.3 კონტროლის/ინსპექტირების განმახორციელებელ პირებს უფლება აქვთ სამუშაოების მიმდინარეობის ნებისმიერ ეტაპზე მოახდინოს მიმწოდებლის მიერ ხელშეკრულებით ნაკისრი ვალდებულებების შესრულების კონტროლი.

9.4 მიმწოდებელი ვალდებულია საკუთარი ხარჯებით უზრუნველყოს კონტროლის/ინსპექტირების შედეგად გამოვლენილი ყველა დეფექტის, ან ნაკლის აღმოფხვრა.

10. სტანდარტები

10.1 ამ ხელშეკრულებით გათვალისწინებული სამუშაოები უნდა შესრულდეს ჯეროვნად, არსებული სტანდარტების, სამშენებლო ნორმების და შემსყიდველის მოთხოვნების მიხედვით.

10.2 მიმწოდებელი ვალდებულია, სამუშაოების შესრულებისას გამოიყენოს მხოლოდ ახალი, პირველადი გამოყენების მასალა და აქსესუარები

11. გარანტია (დეფექტებზე პასუხისმგებლობის პერიოდი)

11.1 მიმწოდებელი იღებს ვალდებულებას, მიღება-ჩაბარების აქტის გაფორმებიდან 1 (ერთი) წლის განმავლობაში საკუთარი ხარჯებით გამოსწოროს შესრულებულ სამუშაოებზე შემსყიდველი ორგანიზაციის მიერ აღმოჩენილი ყველა ნაკლი (ისეთი ნაკლის გარდა, რომელიც გამოწვეულია მექანიკური დაზიანებით, ან/და ექსპლუატაციის ნორმების არაწორი დაცვით). ნაკლის/ხარვეზის აღმოფხვრის სამუშაოები მიმწოდებელმა უნდა დაიწყოს შეტყობინების მიღებიდან 3 (სამი) კალენდარული დღის განმავლობაში. იმ შემთხვევაში თუ 3 დღის განმავლობაში ასეთი სამუშაოების დაწყება შეუძლებელია, მიმწოდებელმა წერილობით უნდა აცნობოს შემსყიდველს სამუშაოების დაწყებისა და დასრულების ვადები, რომელიც არ უნდა სცილდებოდეს გონივრულ ვადებს.

12. ხელშეკრულების შეწყვეტა

12.1 წინამდებარე ხელშეკრულება შეიძლება შეწყვეტილ იქნეს:

ა) ხელშეკრულებით ნაკისრი ვალდებულებების შესრულებით;

ბ) მხარეთა შეთანხმებით;

გ) მხარეების მიერ ხელშეკრულებით ნაკისრი ვალდებულებების შეუსრულებლობით;

დ) საქართველოს კანონმდებლობით გათვალისწინებულ სხვა შემთხვევებში.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13. მხარეთა პასუხისმგებლობა

13.1 მხარეებმა ამ ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით შეთანხმებულ ვადებში და ადგილზე. მხარეები პასუხს აგებენ ხელშეკრულებით განსაზღვრული პირობების შეუსრულებლობის, ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით.

13.2 ფორს-მაჟორული გარემოებების გარდა რომელიმე მხარის მიერ ხელშეკრულებით გათვალისწინებული ვალდებულების ვადების დარღვევის შემთხვევაში მეორე მხარე იტოვებს უფლებას, მოითხოვოს დამრღვევი მხარისგან, ხოლო ამ შემთხვევაში დამრღვევი მხარე ვალდებულია, გადაიხადოს პირგასამტეხო შეუსრულებელი ვალდებულების ღირებულების 0,1% ყოველ ვადაგადაცილებულ დღეზე.

- 13.3 იმ შემთხვევაში, თუ მიმწოდებელი ხელშეკრულებით დადგენილი ვადის, ან სამუშაოების დასრულების დამატებით განსაზღვრული ვადის ფარგლებში ვერ შეასრულებს ნაკისრ ვალდებულებებს, ან/და დაკისრებული პირგასამტეხლოს ჯამური ოდენობა გადააჭარბებს ხელშეკრულების ღირებულების 5%-ს, შემსყიდველი უფლებამოსილია, რომ შეწყვიტოს ხელშეკრულება და მიმწოდებელი ხელშეკრულების არაჯეროვანი შესრულებისათვის დააჯარიმოს ხელშეკრულების ღირებულების 10%-ით.
- 13.4 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისგან.

14. ფორს-მაჟორი

- 14.1 მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, კარანტინი, საქონლის მიწოდებაზე ემზარგოს დაწესება, საბიუჯეტო ასიგნებების მკვეთრი შემცირება, ცვლილებები კანონმდებლობაში, ომი, საზოგადოებრივი არეულობა და სხვა) ზეგავლენით, რომლის წინასწარ განსაზღვრა, ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება იმ მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ.
- 14.2 მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის და მისი სავარაუდო აღმოფხვრის ვადის შესახებ. სხვა შემთხვევაში იგი არ თავისუფლდება ხელშეკრულების სრული ან ნაწილობრივი შეუსრულებლობით გამოწვეული პასუხისმგებლობისგან. ამასთან, მეორე მხარის მოთხოვნის შემთხვევაში, წარმოდგენილი უნდა იქნეს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა ხელშეკრულებით ნაკისრი ვალდებულების შესრულებაში.

15. ხელშეკრულების პირობების და ღირებულების გადასინჯვა

- 15.1 სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 15.2 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

16. ხელშეკრულებაში ცვლილებებისა და დამატებების შეტანის წესი

- 16.1 ხელშეკრულებაში ცვლილებების და დამატებების შეტანა დასაშვებია მხოლოდ მხარეთა წერილობითი შეთანხმებით.
- 16.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.
- 16.3 ხელშეკრულების პირობების ნებისმიერი ცვლილება/დამატება უნდა გაფორმდეს ახალი შეთანხმების სახით მხარეების უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

17. ხელშეკრულების შესრულების შეფერხება

- 17.1 თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებას, რომელთა გამო ფერხდება ხელშეკრულების პირობების შესრულება, მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ.
- 17.2 იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელებაზე, გადაწყვეტილება უნდა გაფორმდეს ხელშეკრულებაში ცვლილების შეტანის გზით.

18. დავების გადაჭრის წესი

- 18.1 ამ ხელშეკრულების შესრულების დროს წამოჭრილი ნებისმიერი დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს საქართველოს სასამართლო.

19. დასკვნითი დებულებები
- 19.1 მხარეები არსებითად ეთანხმებიან ხელშეკრულების ყველა პირობას და ყოველივე ზემოთქმულის დასტურად გააფორმეს წინარე ხელშეკრულება საქართველოს კანონმდებლობის შესაბამისად დოკუმენტის თავში მითითებულ დღეს და წელს.
20. მხარეთა ხელმოწერები:

შემსყიდველი
სსიპ – ილიას სახელმწიფო უნივერსიტეტი

მიმწოდებელი
შპს „კაპიტელი“

ეკატერინე გაფრინდაშვილი
ადმინისტრაციის ხელმძღვანელის მოვალეობის
შემსრულებელი

იაკობ ძიგუა
დირექტორი

წინამდებარე ხელშეკრულება მხარეების მიერ ხელმოწერილია კვალიფიციური ელექტრონული ხელმოწერით „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების შესაბამისად.

ქ. თბილისში, გ. წერეთლის ქ. №3-ში მდებარე სსიპ – ილიას სახელმწიფო უნივერსიტეტის „წ“ კორპუსის სარდაფის რეაბილიტაციის სამუშაოების დეფექტური აქტი

(თანხა ლარებში)

№	სამუშაოს დასახელება	განზომილების ერთეული	რაოდენობა	მასალა		ხელფასი		ჯამი
				ერთეულის ფასი	სულ	ერთეულის ფასი	სულ	
			ა	ბ	გ = ა*ბ	დ	ე = ა*დ	ვ = ბ*ე
სადემონტაჟო სამუშაოები								
1	არსებული თაროების დემონტაჟი და დასაწყობება	მ2	180.00			3.00	540.00	540.00
2	იატაკიდან დაზიანებული ლინოლეუმის და მეტლახის ფილების დემონტაჟი	მ2	350.00			2.00	700.00	700.00
სამონტაჟო სამუშაოები								
1	კედლების დამუშავება ფიხით და შეღებვა ფასადის წყალშეშლის საღებავით (ფერი შეთანხმებით)	მ2	820.00	5.00	4 100.00	4.50	3 690.00	7 790.00
2	თამბორ-მუყაოს ტიხრების მოწყობა ორმაგი ფილით, ორმხრივად ხმის იზოლაციით (ქვაბმა 50 მმ) ნესტგამძლე ფილებით	მ2	185.00	15.00	2 775.00	15.00	2 775.00	5 550.00
3	იატაკზე ხელოვნური გრანიტის ფილების მოწყობა არაპრიალა ზედაპირით (ფერი შეთანხმებით)	მ2	341.00	22.00	7 502.00	8.00	2 728.00	10 230.00
4	პლასტმასის პლინტუსის მოწყობა ფიტინგებით	მ	350.00	3.00	1 050.00	2.00	700.00	1 750.00
5	ამსტრონგის შეკიდული ქერის მონტაჟი ნესტგამძლე ფილებით	მ2	341.00	12.00	4 092.00	8.00	2 728.00	6 820.00
6	შემიწეული ალუმინის კარის მონტაჟი იზოპროფილით	მ2	16.00	250.00	4 000.00	50.00	800.00	4 800.00
სანტექნიკური სამუშაოები								
1	სანტექნიკური წერტილის მოწყობა	წერტილი	3.00			50.00	150.00	150.00
2	მილი 20 მმ ფიტინგებით	მ	48.00	2.00	96.00	0.50	24.00	120.00
3	მილი საკანალიზაციო 50 მმ ფიტინგებით	მ	37.00	5.00	185.00	1.00	37.00	222.00
4	ელექტრო ავტომატური საკანალიზაციო ნასოსი (ტიმტივათი) მონტაჟით	ცალი	1.00	250.00	250.00	25.00	25.00	275.00
5	ბეტონის გაჭრა პერფორატორით საკანალიზაციო მილის სამონტაჟოდ სიღრმით 0,25 მ	მ	30.00			25.00	750.00	750.00
6	უფანგავი ლითონის ნიჟარების დამზადება და მონტაჟი რკინის კარკასზე, წყლის შემრევითა და სიფონით	ცალი	2.00	150.00	300.00	25.00	50.00	350.00
7	სამშენებლო ნაგვის ამოზიდვა -2 სადაფიდან (სიმაღლე 6 მ) დატვირთვა ავტოთვიითმცელზე და ტრამპოლიზირება ნაგავსაყრედზე	მ3	45.00			25.00	1 125.00	1 125.00
					24 350.00		16 822.00	41 172.00
		ზედნადები ხარჯები, არაუმეტეს ჯამი	10%					4 117.20
			8%					45 289.20
			გემრიერი დაგროვება, არაუმეტეს ჯამი-1					3 623.14
ელექტრო სამუშაოები								
1	სადენი 3 x 4 სპილენძის მარდვით	მ	100.00	4.00	400.00	1.00	100.00	500.00
2	სადენი 3 x 2.5 სპილენძის მარდვით	მ	280.00	3.50	980.00	1.00	280.00	1 260.00
3	სადენი 2 x 1.5 სპილენძის მარდვით	მ	180.00	2.00	360.00	1.00	180.00	540.00
4	ამსტრონგის ლედ სანათი	ცალი	80.00	45.00	3 600.00	10.00	800.00	4 400.00
5	შტუფსელი შიდა დაყენების თამბორ-მუყაოს კოლოფით	ცალი	32.00	5.00	160.00	5.00	160.00	320.00
6	ჩამოთვული შიდა დაყენების თამბორ-მუყაოს კოლოფით	ცალი	7.00	5.00	35.00	5.00	35.00	70.00
7	ავტომატების სამონტაჟო ყუთი 12 ავტომატზე	ცალი	1.00	50.00	50.00	10.00	10.00	60.00

№	სამუშაოს დასახელება	განზომილების ერთეული	რაოდენობა	მასალა		ხელფასი		ჯამი
				ერთეულის ფასი	სულ	ერთეულის ფასი	სულ	
			ა	ბ	ბ = ა*ბ	დ	ე = ა*დ	ვ = ბ+ე
8	ავტობატი 63ა სამფახა		ცალი	25.00	25.00	10.00	10.00	35.00
9	ავტობატი 32ა ცალფახა		ცალი	20.29	20.29	10.00	10.00	30.29
					5 630.29		1 585.00	7 215.29
	ზედნადები ხარჯები სამონტაჟო სამუშაოებზე (ხელფასიდან), არაუმეტეს							1 188.75
								8 404.04
								672.32
	გემბიური დავროვება, არაუმეტეს		8%					9 076.36
	ჯამი-2							57 988.70
	ჯამი-1 + ჯამი-2							2 899.43
	გაუთვალისწინებული ხარჯი		5%					60 888.13
	ჯამი							10 959.86
	დღ		18%					71 848.00
	სულ ჯამი							

შემსყიდველი:

სსიპ – ილიას სახელმწიფო უნივერსიტეტი

მიმწოდებელი:

შპს „კაპიტელი“

ეკატერინე გაფრინდამეილი

ადმინისტრაციის ხელმძღვანელის მოვალეობის შემსრულებელი

იაკობ მიგუა

დირექტორი